

ხელშეკრულება № 17-**18**
სახელმწიფო შესყიდვის შესახებ
(კონსოლიდირებული ტენდერი №-CON160000059)

ქ. თბილისი

„22“ დეკემბერი 2016 წ.

ერთი მხრივ მხრივ, ,საჯარო სამართლის იურიდიული პირი- სახელმწიფო სამხედრო სამეცნიერო ტექნიკური ცენტრი „დელტა“, ,შემდგომში - „შესყიდველი“, წარმოდგენილი გენერალური დირექტორის მოვალეობის შემსრულებლის ლევან მერაბიშვილის სახით და მეორე მხრივ **შპს რომპეტროლ საქართველო** შემდგომში - „მიმწოდებელი“, წარმოდგენილი მისი გენერალური დირექტორის კაირატ კაბილოვის სახით, ორივე ერთად წოდებული, როგორც „მხარეები“, ვმოქმედებთ, „სახელმწიფო შესყიდვების შესახებ“ საქართველოს კანონის 20² მუხლის, „ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების დამტკიცების თაობაზე“ სახელმწიფო შესყიდვების სააგენტოს თავმჯდომარის 2014 წლის 4 დეკემბრის #11 ბრძანების, „2016 წელს ნავთობპროდუქციის (საწვავის) სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2015 წლის 3 დეკემბრის №2584 განკარგულებისა და 2016 წლის კონსოლიდირებული ტენდერის - **დიზელი (არაუმეტეს 10 PPM)** გატანა ავტოგასამართი სადგურიდან, საფუძველზე ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ (შემდგომში - ხელშეკრულება) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე იმ დოკუმენტებით და დანართებით, რომლებზეც ხელშეკრულებაში არის მინიშნებები.
- 1.2 „ხელშეკრულების საორიენტაციო ღირებულება“ - საერთო თანხა, (შესაყიდი საორიენტაციო რაოდენობა გამრავლებული 1 ლიტრი საწვავის საგარაუდო ფასზე) რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების შესრულებისათვის წინამდებარე ხელშეკრულებით გათვალისწინებული პირობების შესაბამისად.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - იურიდიული პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.6 „საწვავი“ - **დიზელი (არაუმეტეს 10 PPM) Efix Euro Diesel**
- 1.7 სატენდერო დოკუმენტაცია - 2016 წლის კონსოლიდირებული ტენდერის - **დიზელი (არაუმეტეს 10 PPM)** გატანა ავტოგასამართი სადგურიდან - სატენდერო დოკუმენტაცია, რომელიც შესაძლოა დანართის სახით არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.

2. ხელშეკრულების საგანი და შესყიდვის ობიექტი

- 2.1 ხელშეკრულების საგანს წარმოადგენს „შემსყიდველის“ მიერ საწვავის შესყიდვა ეტაპობრივად წინამდებარე ხელშეკრულების გაფორმების თარიღიდან 2017 წლის 31 დეკემბრის ჩათვლით.
- 2.2 ხელშეკრულებით განსაზღვრულ შესყიდვის ობიექტს წარმოადგენს საწვავი, რომლის საორიენტაციო მოცულობა შეადგენს **61 200 ლიტრს**.
- 2.3. შესაყიდი საწვავის საორიენტაციო რაოდენობა, სახეობა, ერთეულის ფასი და სხვა მონაცემები მოცემულია დანართ №1-ში, ავტორიზებული ავტომანქანების ჩამონათვალი და სხვა მონაცემები მოცემულია დანართ #2-ში, ხოლო აგს-ების ჩამონათვალი მოცემულია დანართ #3-ში. წინამდებარე ხელშეკრულების ყველა დანართი წარმოადგენს მის განუყოფელ ნაწილს, მიუხედავად მისი დამოწმება / ხელმოწერისა.
- 2.4 საწვავის მიწოდება უნდა განხორციელდეს აგან სისტემის/ზარათების მეშვეობით, მხოლოდ იმ ავტორიზებული ავტომანქანებისთვის რომელიც მითითებულია ხელშეკრულების N2 დანართში, გარდა სატენდერო დოკუმენტაციით განსაზღვრული გამონაკლისი შემთხვევებისა. საწვავის მიღება განხორციელდება მხოლოდ ხელშეკრულების N3 დანართით განსაზღვრულ ავტოგასამართ სადგურებზე.

2.5 ხელშეკრულებაში მითითებული შესასყიდი საწვავის მოცულობა, ხელშეკრულების ღირებულება და ავტომანქანების რაოდენობა საორიენტაციო ხასიათისაა და შესაძლებელია შეიცვალოს ხელშეკრულების მოქმედების პერიოდში მხარეთა წერილობითი შეთანხმების საფუძველზე.

2.6. წინამდებარე ხელშეკრულებაში შესული ცვლილება ავტომატურად იწვევს შესაბამისი დანართების შესაბამის ცვლილებას.

3. ხელშეკრულების ღირებულება

3.1 წინამდებარე ხელშეკრულების საორიენტაციო ღირებულება შეადგენს **87 516.00** (ოთხმოცდაშვიდი ათას ხუთასთექვსმეტი ლარი დანული თეთრი) ლარს.

3.2 წინამდებარე ხელშეკრულებით გათვალისწინებული ღირებულება მოიცავს როგორც მისაწოდებელი საწვავის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს მათ შორის დღგ-ს და საწვავის შენახვის ხარჯებს ავტოგასამართი სადგურიდან მის გაცემამდე.

4. შესყიდვის ობიექტის ფასის განსაზღვრა და ანგარიშსწორების პირობები

4.1 მიმწიდებლის მიერ კონსოლიდირებულ ტენდერში დაფიქსირებული ყველაზე დაბალი საბოლოო ფასიდან გამოითვლება „Z“ აშშ დოლარში (ტრანსპორტირებასთან, ლოგისტიკასთან და შენახვასთან დაკავშირებული ხარჯები, ზედნადები ხარჯები, საწარმოს მოგება და აქციზი) შემდეგი ფორმულის მეშვეობით:

$$Z = \left(\frac{C_{bid} * 1000}{D * 1.18} - A_{nov} \right) * \frac{1}{R_{nov}} - P_{nov}$$

რომელშიც:

C_{bid} - ელექტრონული ვაჭრობის შედეგად დაფიქსირებული საბოლოო ფასი 1 ლიტრ საწვავის (ლარში);

R_{nov} - აშშ დოლართან მიმართებაში ლარის ოფიციალური გაცვლითი კურსის 2016 წლის ნოემბრის თვის საშუალო არითმეტიკული;

D - მიმწოდებლის სატენდერო წინადადებით წარმოდგენილი საწვავის სიმკვრივის მაჩვენებელი (გრ/სმ³);

P_{nov} - PLATTS EUROPEAN MARKETSCAN-ის FOB Med (Italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის 2016 წლის ნოემბრის თვის საშუალო არითმეტიკული ფასი აშშ დოლარში (შემდგომში - პლაცის ნიშნული).

Z და D სიდიდეები უცვლელია 2017 წლის 31 დეკემბრის ჩათვლით.

4.2 მიმწოდებელი ახორციელებს ყოველი მიმდინარე კალენდარული თვისათვის 1 ლიტრი საწვავის ნომინალური ღირებულების განსაზღვრას (შემდგომში - ნომინალური ღირებულება - C_{nom}) შემდეგი ფორმულის მეშვეობით:

$$C_{nom} = \frac{((P+Z)R+A)*1.18*D}{10000}$$

სადაც: P და R წარმოადგენს მიმდინარეს წინა კალენდარული თვის შესაბამისი მონაცემების საშუალო არითმეტიკულ სიდიდეებს; A - მიმდინარე თვის მოქმედ ერთ მეტრულ ტონა საწვავზე აქციზის ოდენობას ლარებში, 18%-დღ, ხოლო Z და D - 4.1 პუნქტით გათვალისწინებულ საწვავის სატენდერო წინადადებით წარმოდგენილ უცვლელ სიდიდეებს.

4.3 ნავთობპროდუქციის (საწვავის) სპეციფიურობიდან გამომდინარე, მისი ღირებულების საერთაშორისო სასაქონლო ბირჟაზე არსებულ ცვალებად ფასსა (P) ან/და აშშ დოლართან მიმართებაში ეროვნული ვალურის ოფიციალური გაცვლით კურსზე (R) ან/და ერთ მეტრულ ტონა საწვავზე აქციზის ოდენობაზე დამოკიდებულების გამო, მიმწიდებელი ვალდებულია ვებ გვერდზე pricerompetro.ge -ზე გამოაქვეყნოს ნომინალურ ღირებულებაზე დაყრდნობით გამოთვლილი მიმდინარე თვის განმავლობაში საწვავის ერთეულის ფასი (მიმდინარე თვის სახელშეკრულებო ფასი - C_1). აღნიშნულის თაობაზე შემსყიდველი ორგანიზაცია ინფორმირებულია და წინამდებარე

ხელშეკრულებაზე ხელმოწერით ადასტურებს რომ ინფორმაციის მიღების ზემოხსენებული ფორმა მისთვის მისაღებია.

4.4 2017 წლის იანვრის სახელშეკრულებო ფასი განისაზღვრება ელექტროული ვაჭრობის შედეგად დაფიქსირებული 1 ლიტრით თვის საწვავის საბოლოო ფასის (C_{bd}) ტოლი სიდიდით. ყოველი მომდევნო თვის სახელშეკრულებო ფასი კი გამოითვლება 1 ლიტრ საწვავის ნომინალურ ღირებულებაზე დაყრდნობით, შემდეგი პრინციპის გათვალისწინებით:

ა) მიმწოდებელი, ითვალისწინებს რა პლაცის ნიშნულის, აქციზის და სავალუტო კურსის ცვალებადობას, ყოველი კალენდარული თვის პირველ რიცხვში, განსაზღვრავს 1 ლიტრი საწვავის მიმდინარე თვის სახელშეკრულებო ფასი შემდეგი პრინციპის მიხედვით: იმ შემთხვევაში, თუ A-ს, P-სა და R-ის ცვლილება იწვევს ფორმულით გაანგარიშებული 1 ლიტრი საწვავის ნომინალური ღირებულების (C_{nom}) სამზე ნაკლები პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უდრის წინა თვის სახელშეკრულებო ფასს, ხოლო იმ შემთხვევაში თუ A-ს, P-სა და R-ის ცვლილება იწვევს ფორმულით გაანგარიშებული 1 ლიტრი საწვავის ნომინალური ღირებულების (C_{nom}) სამი ან მეტი პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უტოლდება ფორმულით გაანგარიშებული მიმდინარე თვის ნომინალურ ფასს.

ბ) სახელშეკრულებო ფასის დადგენისას ასევე გათვალისწინებულ უნდა იქნას შემდეგი პრინციპი: იმ შემთხვევაში, თუ მიმწოდებლის საცალო რეალიზაციის ქსელში ერთი ლიტრი საწვავის საანგარიშო თვის საშუალო არითმეტიკული ფასი წინა კალენდარული თვის შესაბამის მაჩვენებელზე 10%-ზე (ასეულის სიზუსტით) მეტით შემცირებულია, მაშინ მიმდინარე თვის C_i უნდა იყოს მიმწოდებლის საცალო რეალიზაციის ქსელში ერთი ლიტრი საწვავის საანგარიშო თვის საშუალო არითმეტიკულ ფასზე მინიმუმ 10 თეთრით (0,10 ლარით) ნაკლები, ხოლო თუ 15%-ზე მეტით შემცირებულია – მინიმუმ 5 თეთრით (0,05 ლარით) ნაკლები.

მაგალითი:

მიმდინარე თვე არის მარტი, საანგარიშო თვე არის თებერვალი, ხოლო საანგარიშო თვის წინა თვე არის იანვარი. შესაბამისად, თუ მიმწოდებლის საცალო რეალიზაციის ქსელში თებერვლის თვეში ერთი ლიტრის საშუალო ფასი იანვრის ანალოგიურ ფასთან მიმართებაში შემცირებულია 10%-ზე მეტით, მაშინ მარტის თვის C_i უნდა იყოს თებერვლის თვის საშუალო არითმეტიკულ ფასზე მინიმუმ 10 თეთრით (0,10 ლარით) ნაკლები, ხოლო თუ 15%-მეტით შემცირებულია – მინიმუმ 5 თეთრით (0,05 ლარით) ნაკლები.

4.5 მიმწოდებელსა და შემსყიდველ ორგანიზაციას შორის ანგარიშსწორება ხორციელდება მიმდინარე თვის სახელშეკრულებო ფასის საფუძველზე დადგენილი საანგარიშსწორებო ფასის (C₂) მიხედვით, უნდა და ფორმით, ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს.

4.6 საწვავის შესყიდვის შემთხვევაში საანგარიშსწორებო ფასის განსაზღვრისას მხარეები ითვალისწინებენ შემდეგ გარემოებას: საანგარიშსწორებო ფასი მინიმუმ 15 თეთრით (0,15 ლარით) ნაკლები უნდა იყოს მიმდინარე თვის განმავლობაში მიმწოდებლის საცალო რეალიზაციის ქსელში არსებული ერთი ლიტრი საწვავის ფასების საშუალო არითმეტიკულ ოდენობაზე (C_{AV}).

4.7 ტრანსპორტირების ხარჯები ეკისრება შემსყიდველ ორგანიზაციას. შემსყიდველი ორგანიზაცია ვალდებულია მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი წერილობითი დასაბუთებით. საწვავის მიწოდებისას ანგარიშსწორება განხორციელდება ანგარიშ-ფაქტურის წარმოდგენიდან 10 სამუშაო დღის ვადაში.

4.8 მიმწოდებელი ვალდებულია ყოველი თვის პირველ სამუშაო დღეს სატენდერო კომისიას წარუდგინოს ამ სატენდერო დოკუმენტაციის 4.2 პუნქტით განსაზღვრული A, P და R, მათ საფუძველზე გამოთვლილი 1 ლიტრი საწვავის მიმდინარე თვის სახელშეკრულებო ფასი (C_i) და აგრეთვე წინა თვის საანგარიშსწორებო ფასი. რომელიც დაუყოვნებლივ უნდა განთავსდეს მიმწოდებლის ოფიციალურ ვებგვერდზე.

4.9 მიმწოდებელმა თავის ვებგვერდზე უნდა განათავსოს ინფორმაცია მის საცალო რეალიზაციის ქსელში არსებული 1 ლიტრი საწვავის ყოველდღიური ფასის შესახებ იმგვარად, რომ შესაძლებელი იყოს სატენდერო წინადადების მოქმედების ვადაში თითოეული დღის ფასის ნახვა.

4.10 იმ შემთხვევაში, თუ მხარეებს შორის არ ხორციელდება დამატებითი შეთანხმებების სახით მიმდინარე სახელშეკრულებო ფასის ყოველთვიურად ასახვა, ანგარიშსწორების განხორციელებისას ხელშეკრულების მხარეები ხელმძღვანელობენ 4.3 და 4.8 პუნქტით განსაზღვრული მიმწოდებლის ოფიციალურ ვებგვერდზე გამოქვეყნებული მიმდინარე თვის ფასზე დაყრდნობით.

4.11. 2017 წლის დეკემბრის განმავლობაში მიწოდებულ საწვავზე ანგარიშსწორებასთან დაკავშირებული პროცედურები შესაძლებელია განხორციელდეს 2018 წლის 31 იანვრის ჩათვლით.

მუხლი 5. მხარეთა უფლებები და ურთიერთვალდებულებები

5.1

მიწოდებელი

ვალდებულია:

ა) უზრუნველყოს წინამდებარე ხელშეკრულებით გათვალისწინებული საორიენტაციო ოდენობის საწვავის მიწოდება შემსყიდველისთვის აგაი სისტემის მეშვეობით, გარდა სატენდერო დოკუმენტაციის 5,14 პუნქტით გათვალისწინებული შემთხვევისა.

ბ) 2017 წლის 1-ლი იანვრიდან ეტაპობრივად, მაგრამ არაუგვიანეს 2017 წლის 31 იანვრისა უზრუნველყოს შემსყიდველის ავტორიზებული ავტომანქანების (წინამდებარე ხელშეკრულების გაფორმების დროს თანდართული დანართი #2-ის შესაბამისად) უსასყიდლოდ აღჭურვა „აგაი“ სისტემით.

გ) „აგაი“ სისტემის დამონტაჟებამდე, საწვავის მიწოდება უნდა განხორციელდეს პლასტიკური ბარათების მეშვეობით.

დ) „აგაი“ სისტემის კომპონენტები წარმოადგენს მიმწოდებლის საკუთრებას, რომელსაც იგი დროებით, ერთჯერადად დამონტაჟებიდან 2017 წლის 31 დეკემბრის ჩათვლით, საფასურის გარეშე გადასცემს შემსყიდველ ორგანიზაციის მათ ავტორიზებულ ავტომანქანებზე დამონტაჟების გზით. მიმწოდებელმა არაუგვიანეს 2018 წლის 31 იანვრისა, საკუთარი ხარჯებით უნდა მოახდინოს შემსყიდველი ორგანიზაციის ავტორიზებულ ავტომანქანაზე დამონტაჟებული „აგაი“ სისტემის კომპონენტის დემონტაჟი, რისთვისაც შემსყიდველი ვალდებულია 2017 წლის 1-ლი იანვრიდან მიმწოდებლის მიერ მითითებულ დროსა და ადგილას განახორციელოს შესაბამისი ღონისძიებები (მათ შორის ავტომანქანის მიყვანა) მის ავტორიზებულ ავტომანქანაზე დამონტაჟებული „აგაი“ სისტემის კომპონენტის მიმწოდებლისთვის უკან დაბრუნების მიზნით. იმ შემთხვევაში თუ მიმწოდებელი იქნა გამარჯვებული 2018 წლის კონსოლიდირებულ ტენდერში, როგორც საწვავის მიმწოდებელი, ის არ არის ვალდებული განახორციელოს აგაი სისტემის დემონტაჟი. აგაი სისტემის კომპონენტების დაზიანების/დაკარგვის შემთხვევაში მიმწოდებელი არ არის ვალდებული უსასყიდლოდ განახორციელოს ახალი კომპონენტის მონტაჟი. აგაი სისტემის კომპონენტის ხელმეორედ მონტაჟის ღირებულება შეადგენს 50 ლარს, მომსახურების ღირებულებისა და დღგ-ს ჩათვლით.

ე) შემსყიდველი ორგანიზაციის მიერ ავტოგასამართ სადგურზე პლასტიკური ბარათის წარდგენისთანავე, ან „აგაი“ სისტემის შემთხვევაში - ავტოგასამართ სადგურებზე ავტორიზებული ავტომანქანის მისვლისთანავე უზრუნველყოს ავტომანქანის გამართვა შესაბამისი საწვავით, თუ ამ პერიოდში არ მიმდინარეობს ავტოგასამართ სადგურზე შესაბამისი საწვავით საწვავის ავზის შევსება (საწვავის გაცემისას ხურდის სახით თანხის ან ტალონის დაბრუნება არ დაიშვება).

ვ) აგაი სისტემის დამონტაჟებამდე, საწვავის მიწოდება უნდა განხორციელდეს პლასტიკური ბარათების მეშვეობით. მიმწოდებელი ვალდებულია ბარათი შემსყიდველს უსასყიდლოდ დაუმზადოს ერთჯერადად, ბარათის დაკარგვის/დაზიანების შემთხვევაში შემსყიდველი უფლებამოსილია მოსთხოვოს მიმწოდებელს განმეორებითი ბარათის დამზადება, აღნიშნულ შემთხვევაში შემსყიდველი ვალდებულია აუნაზღაუროს მიმწოდებელს ბარათის ღირებულება 15 ლარის ოდენობით (ღირებულება შეიცავს დამზადების მომსახურებისა და საქართველოს კანონმდებლობით გათვალისწინებულ ყველა გადასახადს, რომლის გადახდის ვალდებულებაც ეკისრება მიმწოდებელს).

ზ) წარუდგინოს 4.7 პუნქტით გათვალისწინებული ანგარიშ-ფაქტურა შემსყიდველ ორგანიზაციას.

თ) უზრუნველყოს წინამდებარე ხელშეკრულებით და შესაბამისი სატენდერო დოკუმენტაციით გათვალისწინებული მასზე დაკისრებული შესრულება.

5.2

მიწოდებელი

უფლებამოსილია:

ა) შემსყიდველს შეუჩეროს საწვავის მიწოდება დაუყოვნებლით, თუ შემსყიდველი ორგანიზაციის მიერ წინამდებარე ხელშეკრულების 4.7 პუნქტით გათვალისწინებული გადახდის ვადები იქნება დარღვეული.

ბ) უზრუნველყოს საწვავის გაცემა მხოლოდ ხელშეკრულების N3 დანართით, გათვალისწინებულ ავტოგასამართ სადგურებზე, მიუხედავად მიმწოდებლის სასაქონლო ნიშნისა.

გ) მოსთხოვოს შემსყიდველს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.

დ) მიუხედავად წერილობით შეტყობინებაში მითითებული დროისა და ადგილისა წებისმიერ დროს შეცვალოს აგაი სისტემის დამონტაჟების დრო და ადგილი, შემსყიდველის წინასწარი შეტყობინების შესაბამისად.

ე) საკუთარი სურვილის შესაბამისად შეარჩიოს აგაი სისტემის მონტაჟის დრო და ადგილი და წინასწარ წერილობით შეატყობინოს

5.3

შემსყიდველი

ორგანიზაცია

ვალდებულია:

ა) წინამდებარე ხელშეკრულების გაფორმებითანავე წარუდგინოს მიმწოდებელს ავტორიზებული ავტომანქანების რაოდენობა და სახელმწიფო სარეგისტრაციო ნომრები. ასევე, წარუდგინოს იმ ავტორიზებული ავტომანქანების სია

რომელზეც უნდა მოხდეს აგაი სისტემის დამონტაჟება. აგაი სისტემის დამონტაჟების შემთხვევაში უზრუნველყოს მიმწოდებლის მიერ მითითებულ ადგილას მისი ავტორიზებული ავტომანქანების მიყვანა. პლასტიკური ბარათების გაცემის და აგაი სისტემის დამონტაჟების პრიორიტეტულობა შემსყიდველი ორგანიზაციების მიხედვით განისაზღვრება მიმწოდებლის მიერ იმ შემთხვევაში თუ შემსყიდველის ავტომობილის ტექნიკური მახასიათებლები არ შეესაბამება პარამეტრებს, რომლებიც საჭიროა აგაი სისტემის დამონტაჟებისთვის, შემსყიდველი ვალდებულია მოახდინოს ავტომობილის ტექნიკური გამართულობა და შესაბამისობაში მიყვანა, წინააღმდეგ შემთხვევაში აგაი სისტემის დაუმონტაჟებლობის გამო მიმწოდებელს ეხსნება პასუხისმგებლობა. ასევე, იმ შემთხვევაში თუ შემსყიდველის მიერ არ განხორციელდა დროულად ან/და საერთოდ არ განხორციელდა ავტომანქანის მიყვანა მიმწოდებლის მიერ მითითებულ დროსა და ადგილას.

ბ) აკონტროლოს ავტორიზებული ავტომანქანების ლიმიტები მიმწოდებლის შესაბამის სისტემაში, მიმწოდებლის მიერ გადაცემული მომხმარებლის სახელისა და პაროლის საშუალებით. თავად განახორციელოს საწვავის ლიმიტების ცვლილება, ავტომანქანებისთვის საწვავის მიწოდების დაბლოკვა და ა.შ. მიმწიდებლის შესაბამის სისტემაში განხორციელებულ ნებისმიერ ტრანზაქციაზე პასუხისმგებლობა ეკისრება შემსყიდველს.

გ) ხელშეკრულების შესაბამის დანართში მითითებული ავტორიზებული ავტომანქანების რაოდენობა საორიენტაციო ხასიათისაა და შეიძლება შეიცვალოს ხელშეკრულების მოქმედების განამავლობაში. ცვლილების (მათ შორის სანომრე ნიშნის ცვლილების) შემთხვევაში შემსყიდველი ვალდებულია დაუყოვნებლივ, ცვლილებიდან სამი დღის ვადაში აცნობოს მიმწოდებელს აღნიშნულის თაობაზე. ავტორიზებული ავტომობილების სის ცვლილების შემთხვევაში აგაი სისტემის დამონტაჟების ვადებთან დაკავშირებით მხარეები შენხმდებან დამატებით, მიუხედავად წინამდებარე ხელშეკრულების 5,1 პუნქტის „ა“ ქვეპუნტით და სატენდერო დოკუმენტაციით გათვალისწინებული ვადებისა.

დ) ავტომანქანის საწვავით გამართვა განახორციელოს მხოლოდ ხელშეკრულების დანართით გათვალისწინებულ ავტოგასამართ სადგურებზე, მიუხედავად მიმწოდებლის სასაქონლო ნიშნისა.

ე) უზრუნველყოს ანგარიშისწორებასთან დაკავშირებული პროცედურების განხორციელება 4.7 პუნქტით დადგენილი ვადებისა

და პირობების შესაბამისად.

ვ) აგაი სისტემის კომპონენტების ან/და ბარათის დაზიანების/დაკარგვის შემთხვევაში, მიმწოდებლის მოთხოვნის შესაბამისად აუნაზღაუროს მიმწოდებელს წინამდებარე ხელშეკრულებით გათვალისწინებული შესაბამისი ღირებულება, მიმწოდებლის მიერ წარდგენილი შესაბამისი საგადასახადო დოკუმენტაციის საფუძველზე, საგადასახადო დოკუმენტაციის

წარმოდგენიდან ხუთი დღის ვადაში.

ზ) უზრუნველყოს ხელშეკრულების შესრულების კონტროლი (ინსპექტირება).

თ) შესარულოს ხელშეკრულებითა და სატენდერო დოკუმენტაციით მასზე დაკისრებული ვალდებულებები.

5.4 შემსყიდველი ორგანიზაცია უფლებამოსილია:

მოსთხოვოს მიმწოდებელს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.

5.5 კონსოლიდირებულ ტენდერში მიმწოდებელთან დადებული ხელშეკრულების საფუძველზე საწვავის მიწოდება განხორციელდება 2017 წლის 1-ლი იანვრიდან 2017 წლის 31 დეკემბრის ჩათვლით.

5.6. მხარეები ვალდებული არიან სათანადო გულისხმიერებითა და პასუხისმგებლობით ითანამშრომლონ ერთმანეთთან, განიხილონ ერთმანეთის მოსაზრებები, პრეტენზიები და მიაწოდონ წერილობითი პასუხი ყველა საკითხზე. შემსყიდველი ვალდებულია მიმწოდებელის წერილობითი შეტყობინების მიღებიდან ხუთი დღის ვადაში წარუდგინოს მას შესაბამისი წერილობითი პასუხი.

5.7. სატენდერო დოკუმენტაციის 7.4. პუნქტის „ა“ ქვეპუნქტით გათვალისწინებული მოთხოვნის დარღვევის შემთხვევაში მიმწოდებელი არ არის პასუხისმგებელი ხელშეკრულების გაფორმების ვადების, ბარათის, ტალონის მიწოდების ან/და აგაი სისტემის დამონტაჟების ვადების დარღვევის თაობაზე.

6. ხელშეკრულების შესრულების შეფერხება

6.1. თუ ხელშეკრულების შესრულების პროცესში მხარეები წარადგენი რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ერთმა მხარემ დაუყოვნებლივ უნდა გაუგზავნოს მეორეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორეს მის მიერ მიღებული გადაწყვეტილება აღნიშნულ გარემოებებთან დაკავშირებით.

7. ხელშეკრულების პირობების შეუსრულებლობა

7.1. მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს კონსოლიდირებული ტენდერის სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

7.2. კონსოლიდირებული ტენდერის სატენდერო კომისიისაგან ხელშეკრულების შეწყვეტის შესახებ რეკომენდაციის მიღების შემთხვევაში, შემსყიდველი ორგანიზაცია წყვეტის ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, რომელიც გამოითვლება კონსოლიდირებულ ტენდერში ელექტრონული ვაჭრობის დასრულების დღეს მიმწოდებლის საცალო რეალიზაციის ქსელში არსებული 1 ლიტრი საწვავის ფასისა და ელექტრონული ვაჭრობის შედეგად დაფიქსირებული საბოლოო ფასის სხვაობის გამრავლებით კონკრეტული ხელშეკრულებით შესასყიდი (დარჩენილი) საწვავის საორიენტაციო მოცულობაზე და გაყოფილი ხელშეკრულების მოქმედების ამოწურვამდე დარჩენილი თვეების რაოდენობაზე.

7.3. შემსყიდველის მიერ წინამდებარე ხელშეკრულების 4.7 პუნქტით განსაზღვრული გადახდის ვადის დარღვევისათვის, მიმწოდებლის მოთხოვნის შემთხვევაში, შემსყიდველს დაეკისრება პირგასამტებლო ყოველ ვადაგადაცილებულ დღეზე გადაუხდელი თანხის 0.01%-ის ოდენობით.

8. ხელშეკრულებაში ცვლილებების ან/და დამატებების შეტანა

8.1. წინამდებარე ხელშეკრულებაში წებისმიერი ცვლილების ან/და დამატების შეტანა განხორციელდება მხარეთა შორის შეთანხმებით, რომელიც დადასტურებული უნდა იყოს ორივე მხარის უფლებამოსილი წარმომადგენლის ხელმოწერით.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულებაში ცვლილების ან/და დამატების შეტანის აუცილებლობა, ცვლილებების ან/და დამატების შეტანის ინიციატორი ვალდებულია წერილობით შეატყობინოს მეორე მხარეს ამის შესახებ.

9. ხელშეკრულების შეწყვეტა

- 9.1. ხელშეკრულება წყდება ავტომატურად ხელშეკრულების მოქმედების ვადის ამოწურვისთანავე.
9.2. წინამდებარე ხელშეკრულება შეიძლება ვალდებული შეწყვეტა:

- ა) ორმხრივი წერილობითი შეთანხმებით წებისმიერ დროს;
ბ) წებისმიერი მხარის ინიციატივით, ცალმხრივად და მხოლოდ სატენდერო კომისიის თანხმობით თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხებისა და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით. ამსთან, დამატებითი ვადა შეიძლება არ მიეცეს, თუკი აშკარაა, რომ მას შედეგი არ ექნება, ან ვალდებულების არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება.

9.3. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

9.4. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

10. დავების გადაწყვეტა

ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

11. დაუმლეველი ძალა

11.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუმლეველი ძალის ზეგავლენით. აღნიშნულის

არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედებს დასრულებისთანავე.

11.3 თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს სატენდერო კომისიის თანხმობით ცალმხრივად შეწყვიტოს ხელშეკრულება.

12. ხელშეკრულების მოქმედების ვადა

12.1 წინამდებარე ხელშეკრულება ძალაში შედის მხარეთა მიერ მისი ხელმოწერისთანავე და იგი ძალაშია 2017 წლის 31 დეკემბრის ჩათვლით.

12.2 წინამდებარე ხელშეკრულების 4.9 პუნქტი ძალაშია 2018 წლის 31 იანვრის ჩათვლით.

13. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

6. მხარეთა რეკვიზიტები:

შემსყიდველი:

სსიპ - სსსტც "დელტა"

მისამართი: ქ. თბილისი, მნათობის ქ. #73

ტელ./ფაქსი: 2955027

საიდენტიფიკაციო კოდი №202297335

მიმღები ბანკი: სახელმწიფო ხაზინა

ბანკის კოდი: TRESGE22

მიმღების ანგარიში /სახაზინო კოდი:

707297065

გენერალური დირექტორის მოვალეობის

შემსრულებელი

ლევან მერაბიშვილი



მიმღებელი:

შპს „რომპეტროლ საქართველო“

ს/კ 204493002

მისამართი: თბილისი, ვეკუას ქ. 3

ტელ. 2910727/78

სს ვითიბი ბანკი

ა.ა. GE79VT6600000090303602

გენერალური დირექტორი

კაირატ კაბილოვი



დანართი №1

2016 წლის "22" დეკემბერი № 17-18

№	საქონლის დასახელება	საქონლის ძირითადი მახასიათებლები	წარმოშობის ს ქვეყანა	საორიენტაციო რაოდენობა	ერთეული ს ფასი	საერთო საორიენტაციო ღირებულება	მიწოდების ადგილი	მიწოდების ვადები
Efix Diesel	Euro	არაუმეტეს 10 PPM	რუმინეთი	61200 ლიტრი	1,43	87516.00 ლარი	ავტოგასამართი სადგურები თანდართული სიის მიხედვით	01.01.2017-დან 31.12.2017-მდე

შემსყიდვები:

სსიპ - სსსტც "დელტა"

მისამართი: ქ. თბილისი, მნათობის ქ. #73
ტელ./ფაქსი: 2955027

საიდენტიფიკაციო კოდი №202297335
მიმღები ბანკი: სახელმწიფო ხაზინა
ბანკის კოდი: TRESGE22

მიმღების ანგარიში /სახაზინო კოდი:
707297065

გენერალური დირექტორის მოვალეობის
შემსრულებელი

ლევან მერაბიშვილი



მიმწოდებელი:

შპს „რომპეტროლ საქართველო“
ს/კ 204493002

მისამართი: თბილისი, ვეკუას ქ. 3
ტელ. 2910727/78
სს ვითიბი ბანკი
ა.ა. GE79VT6600000090303602

გენერალური დირექტორი
კაირატ კაბილოვი



მხარეთა შორის 22 დეკემბერს გაფორმებული 17- 18 ხელშეკრულებისთვის

ავტომანქანების მონაცემები და სახელმწიფო ნომრები

#	სახელმწიფო ნომერი,	ავტომანქანის მარკა	საწვავი	აგან სისტემის ან/და პლასტიკური ბარათის თაობაზე ინფორმაცია (დამონტაჟებულია/მომზადებულია თუ არა)
1	MITSUBISHI L-200	LG-097-GL	Efix Evro Diesel	აქვს აგან სისტემა
2	MITSUBISHI L-200	IW-098-WI	Efix Evro Diesel	აქვს აგან სისტემა
3	MITSUBISHI L-200	OO-507-GG	Efix Evro Diesel	აქვს ნომრიანი ბარათი საჭიროა აგან სისტემის დამონტაჟება
4	MITSUBISHI L-200	OO-510-GG	Efix Evro Diesel	აქვს ნომრიანი ბარათი საჭიროა აგან სისტემის დამონტაჟება
5	TOYOTA HILUX	MFM-343	Efix Evro Diesel	აქვს აგან სისტემა
6	TOYOTA HILUX	MFM-434	Efix Evro Diesel	აქვს აგან სისტემა
7	TOYOTA HILUX	DSD-948	Efix Evro Diesel	აქვს აგან სისტემა
8	TOYOTA HILUX	CC-312-II	Efix Evro Diesel	აქვს აგან სისტემა
9	NISAN NAVARA	GGX-797	Efix Evro Diesel	აქვს აგან სისტემა
10	LAND ROVER RANGE ROVER	UJU-347	Efix Evro Diesel	აქვს აგან სისტემა
11	FORD TRANSIT 100	HMH-532	Efix Evro Diesel	აქვს აგან სისტემა
12	FORD TRANSIT	BSB-375	Efix Evro Diesel	აქვს აგან სისტემა
13	FORD F550	SS-732-GG	Efix Evro Diesel	აქვს ნომრიანი ბარათი
14	FORD F550	SS-734-GG	Efix Evro Diesel	აქვს აგან სისტემა
15	FORD F550	SS-738-GG	Efix Evro Diesel	აქვს აგან სისტემა
16	MERSEDES BENZ UNIMOG 435	OO-348-WW	Efix Evro Diesel	აქვს ნომრიანი ბარათი
17	MERSEDES BENZ UNIMOG 435	OO-351-WW	Efix Evro Diesel	აქვს ნომრიანი ბარათი
18	FORD CARGO 3536D	WPW-136	Efix Evro Diesel	აქვს ნომრიანი ბარათი
19	FORD CARGO 3536D	VHV-821	Efix Evro Diesel	აქვს ნომრიანი ბარათი
20	MAN 10TMILGL	AA-645-MM	Efix Evro Diesel	აქვს ნომრიანი ბარათი

21	KRAZ 65055	ZSZ-188	Efix Evro Diesel	აქვს ნომრიანი ბარათი
22	MERSEDES BENZ ACTROS 2031	OO-198-VV	Efix Evro Diesel	აქვს ნომრიანი ბარათი
23	ავტო მტკირთავი DB- 1792	ინგ.№06592	Efix Evro Diesel	აქვს VIP ბარათი
24	ავტო მტკირთავი BALKANKAR REKORD	ინგ.№05964	Efix Evro Diesel	
25	ტრაქტორი XINGTAY XT- 180	ინგ.№05963	Efix Evro Diesel	
26	ავტო მტკირთავი BALKANKAR 3.5ტ.		Efix Evro Diesel	აქვს VIP ბარათი
27	გენერატორი AKSA APD50A		Efix Evro Diesel	აქვს VIP ბარათი
28	გენერატორი TEKSAN TJ51PR	ინგ.№1000371	Efix Evro Diesel	აქვს VIP ბარათი
29	დიდგორები (ნაკეთობა 208, 212, 214, 314)		Efix Evro Diesel	აქვს VIP ბარათი
30	ნაკეთობა 256(ბრდმ)		Efix Evro Diesel	აქვს VIP ბარათი
31	MAN 77MILGL (ნაკეთობა289)		Efix Evro Diesel	აქვს VIP ბარათი
32	გენერატორი ETT-110P		Efix Evro Diesel	აქვს VIP ბარათი
33	VOLVO FL614	QCD-363	Efix Evro Diesel	აქვს VIP ბარათი
34	მინიტრაქტორი (ქუთაისის)	ინგ.№008150	Efix Evro Diesel	აქვს VIP ბარათი
35	გენერატორი EMSA	ინგ. №008152	Efix Evro Diesel	

შემსყიდვები:

სსიპ - სსსტც "დელტა"
მისამართი: ქ. თბილისი, მნათობის ქ. #73
ტელ./ფაქსი: 2955027
საიდენტიფიკაციო კოდი №202297335
მიმღები ბანკი: სახელმწიფო ხაზინა
ბანკის კოდი: TRESGE22
მიმღების ანგარიში /სახაზინო კოდი: 707297065
გენერალური დირექტორის მოვალეობის
შემსრულებელი

ლევან მერაბიშვილი



მიმღებები:

შპს „რომპეტროლ საქართველო“
ს/კ 204493002
მისამართი: თბილისი, ვეკუას ქ. 3
ტელ. 2910727/78
სს ვითიბი ბანკი
ა.ა. GE79VT6600000090303602



მხარეთა შორის 22 დ ეკემბერს გაფორმებული # 17- 18 ხელშეკრულებისთვის

აგს-ების ჩამონათვალი:

აღმოსავლეთ საქართველო

თბილისი

#	ა.გ.ს	ა.გ.ს მისამართი	ავტომ ატიზა ცია	Efix S	Efix Euro Premi um	Euro Regular	Efix Euro Diesel
1	სამგორი 1	კახეთის გზატკ. მეტრო სამგორის მიმდ. ტერიტ.	ვი	ვი	ვი	ვი	ვი
2	ნუცუბიძე	ნუცუბიძის ქ. №1	ვი	ვი	ვი	ვი	ვი
3	ჯავახეთი	ჯავახეთის ქ. №20	ვი	არა	ვი	ვი	ვი
4	ვარკეთილი o	ვარკეთილი, ბაზრის მიმდებარე ტერიტორია	ვი	ვი	ვი	ვი	ვი
5	ჰესი	ორთაჭალის ჰესის მიმდებარე ტერიტორია	ვი	ვი	ვი	ვი	ვი
6	მეტეხი	300 არაგველის ქ.№1 (მეტეხი)	ვი	ვი	ვი	ვი	ვი
7	ისანი	ქეთევან წამებულის გამზ. ბაზრობის სამხრეთ შესასვლელთან მიმდ.	ვი	ვი	ვი	ვი	ვი
8	პიკეტი	დღებუამისა და კვამლის ქუჩების გადაკვეთა	ვი	ვი	ვი	ვი	ვი
9	გლდანი	შეშელიძის ქ.№ 50	ვი	ვი	ვი	ვი	ვი
10	ქავთარაძე	ქავთარაძის ქ № 1ა	ვი	ვი	ვი	ვი	ვი
11	ნაციონალი	აღმაშენებელის გზატკეცილი 9-ე კილომეტრი	ვი	ვი	ვი	ვი	ვი
12	დიდუბე	დიდუბე, რობაქიძის გამზირი	ვი	არა	ვი	ვი	ვი
13	ბაგები	ბაგები, ჭავჭავაძის გამზ. № 75 ა	ვი	ვი	ვი	ვი	ვი
14	ზ-მ-კ	ბოგდან ხმელნიციის ქ № 48	ვი	ვი	ვი	ვი	ვი
15	გელოვანი	გელოვანის გამზ № 36	ვი	ვი	ვი	ვი	ვი
16	გელოვანი	გელოვანის გამზ ვეფხი და მოყმის მიმდებარედ	ვი	ვი	ვი	ვი	ვი
17	სანზონა	გურამიშვილის გამზ 3/8	ვი	ვი	ვი	ვი	ვი
18	სანზონა 2	გურამიშვილის გამზ № 64	ვი	ვი	ვი	ვი	ვი
19	სამგორი 2	ჯორჯ ბუშის გამზ. (დასაწყისი)	ვი	ვი	ვი	ვი	ვი
20	ფეიქრები	ქსნისა და ფეიქრების ქ. გადაკვეთა	ვი	ვი	ვი	ვი	ვი
21	დიღომი 3	ქ. თბილისი ს. დიღომი	ვი	ვი	ვი	ვი	ვი
22	დიღომი 1	აღმაშენებლის ხეივანი მე-14 კმ.	ვი	ვი	ვი	ვი	ვი

აღმოსავლეთის რეგიონები

#	ა.გ.ს	ა.გ.ს მისამართი	ავტომ ატიზა ცია	Efix S	Efix Euro Premi um	Euro Regular	Efix Euro Diesel
23	მცხეთა	მცხეთა, ნარევავი	ვი	ვი	ვი	ვი	ვი
24	ნატახტარი	მცხეთა, ნატახტარი	ვი	ვი	ვი	ვი	ვი
25	მარნეული	მარნეული, 26 მაისის ქ.	ვი	არა	ვი	ვი	ვი

26	ლილო	კანეთის გზატკეცილისა და ცეკვავშირის ბაზის კვეთაზე	ვი	ვი	ვი	ვი	ვი
27	გომბორი	სართიჭალა, კანეთის გზატკ. 27-ე კმ.	ვი	არა	ვი	ვი	ვი
28	ბაკურციხე	გურჯაანი, სოფ. ბაკურციხე	ვი	არა	ვი	ვი	ვი
29	რუსთავი	რუსთავი, მშენებელთა ქ. № 1	ვი	ვი	ვი	ვი	ვი
30	თელავი	თელავი, თბილისის გზატკ. 4-ე კმ.	ვი	ვი	ვი	ვი	ვი

დასავლეთ საქართველო

იმერეთი-სამეგრელოს რეგიონი

#	ა.გ.ს	ა.გ.ს მისამართი	ავტომ ატიზა ცია	Efix S	Efix Euro Premi um	Euro Regular	Efix Euro Diesel
31	საჩხერე	საჩხერე, სოფ. ჩუხა, თამარ მეფის ქ. № 41	ვი	ვი	ვი	ვი	ვი
32	ზესტაფონი ი	ზესტაფონი, თამარ მეფის ქ. 48	ვი	ვი	ვი	ვი	ვი
33	ქუთაისი	ქუთაისი, ჭავჭავაძის ქ. № 8ა	ვი	ვი	ვი	ვი	ვი
34	ქუთაისი 2	ქუთაისი, 9 აპრილის ქ. 2ა	ვი	ვი	ვი	ვი	ვი
35	ქუთაისი 3	ქუთაისი, ნიკიას ქ. #12ა	ვი	ვი	ვი	ვი	ვი
36	ქვიტირი	ქვიტირი, სოფ. ფარცხანაყანები	ვი	ვი	ვი	ვი	ვი
37	სენაკი	სენაკი, მშვიდობის გამზ. №172	ვი	ვი	ვი	ვი	ვი
38	ზუგდიდი	ზუგდიდი, სოხუმის ქ. №69	ვი	ვი	ვი	ვი	ვი

აჭარა-გურიის რეგიონი

#	ა.გ.ს	ა.გ.ს მისამართი	ავტომ ატიზა ცია	Efix S	Efix Euro Premi um	Euro Regular	Efix Euro Diesel
39	ფოთი	სამეგრელოს მოედანი	ვი	ვი	ვი	ვი	ვი
40	ლანჩხუთი	ლანჩხუთი, ქორდანიას ქ.№ 24	ვი	ვი	ვი	ვი	ვი
41	ოზურგეთი	ოზურგეთი, დავით აღმაშენებლის ქ. №121	ვი	არა	ვი	ვი	ვი
42	ქობულეთი	ქობულეთი, რუსთაველის ქ. № 170	ვი	ვი	ვი	ვი	ვი
43	ჩაქვი	ჩაქვი, თამარ მეფის № 9ა	ვი	ვი	ვი	ვი	ვი
44	ბათუმი 1	ბათუმი ხახულის ქ № 8	ვი	ვი	ვი	ვი	ვი
45	ბათუმი 2	ბათუმი, სოფ, ანგისა	ვი	ვი	ვი	ვი	ვი
46	ხელვაჩაური ი	ხელვაჩაური	ვი	არა	ვი	ვი	ვი

შემსყიდვებლი:

სსიპ - სსსტც "დელტა"

მისამართი: ქ. თბილისი, მნათობის ქ. #73

ს/კ №202297335 მ/გ: სახელმწიფო ხაზინა

მიმღების ანგარიში /სახაზინო კოდი: 707297065

გენერალური დირექტორის მოვალეობის

შემსრულებელი

ლევან მერაბიშვილი



მიმღებებები:

შპს „რომპეტროლ საქართველო“
ს/კ 204493002

მისამართი: თბილისი, ვეკუას ქ. 3

ტელ. 2910727/78

სს ვითიბი ბანკი

ა.ა. GE79VT6600000090303602

